

# შინაური საქმეები

№. 22.

კვირა, სექტემბერი 13, 1909 წ.

ფასი წლიურად — — 4 მან.

„ ნახევარი წლით — — 2<sup>1</sup>/<sub>2</sub> მან.

ცალკე ნომერი ღირს 10 კაპეიკათ.

ადრესი: ქუთაისი „შინაური საქმეების“  
რედაქცია

ყოველკვირეული გაზეთი.

შინაარსი: წყლის გამოყვანის საქმე; გაზ. „ვარსკვლავი“ და ფრანგული კულტურა; სიტყვა—დია-  
ყუბანეი შვილისა; სიტყვა მღვდ. ს. მჭედლიძისა; კონსტანტინე პეტრეს ძე პოპედონოსცევი და სპირიტუზმი—  
მღვდ. ვ. ღუმბაძისა; იროლიადა (თარგმანი ფრანგულიდან)—მაქსიმიძისა; იმერეთის საეპარქიო სამოსწავლო  
საბჭო—მირიანაძისა; კვირიდამ კვირობამდე; სასუფეველი ღვთისა—ე. ჩ.—ძესი;

**ს ტ ა მ ბ ა**

იმერეთის ფ. გიორგის სარწმუნოებრივ განმანათ.  
„მ მ ლ ბ ი ს ა“

გაიხსნა ქ. ქუთაისში, თბილისის ქუჩაზე, გ. კირიძევის სახლში, გუბერ-  
ნატორის კანცელარიის ქვეშ,

**ღეგულთეს ყოველგვარ სასტამბო საქმიანს**  
ხ ე ლ მ ი ს ა წ ღ ო მ ფ ა ს ე ბ უ ი.  
**ასრულთეს სუფთად და თავის ღრობა.**

ყოველკვირეულ გაზეთ

## „შინაურ საქმიანებს“

ხელის მოწერა მიიღება რედაქციაში ქ.  
ქუთაისში (საბურთალო — კახაკოვის —  
შესახვევში № 17) და საეპარქიო საბჭო-  
ში—წლიური ფასი 4 მან. ნახ. წლით 2<sup>1</sup>/<sub>2</sub>  
მან. ცალკე ნომერი ღირს 10 კაპ. გაზე-  
თი ღებულობს დასაბეჭდად ყოველგვარ  
განცხადებას.

დარჩენილი ნომრები ახალ ხელის მომ-  
წერლებს დაეთმობა 1 მან. და 50 კაპ.

## წყლის გამოყვანის საქმე ქუთაისში.

ქალაქის საბჭოს არ სძინავს. ის გაფაცი-  
ცებით მუშაობს წყლის გამოყვანის თაობაზე.  
ამას წინათ კრებაზე ერთმა ორატორთაგანმა  
წარმოსთქვა, ოცდა ხუთი წელიწადია, რაც  
წყლის გამოყვანას ვფიქრობთ და ამაზე ვმუშაობ-  
თო. რა თქმა უნდა ამდენი ხნის მუშაობა დაღა-  
ლავდა ქალაქის ბედობლის გამგეებს და რა  
გასაკვირვალი უნდა იყოს, რომ დაღალულმა  
საბჭომ კიდევ ოცდა ხუთი წელიწადი მუშაობა  
დაიწყოს.

წყლის გამოყვანის საქმე  
საბჭოს მიერ დადგენილია





ბაში ვერ ვაკეთოს საქმე. თუ ასე არ იყოს, აბა რას ნიშნავს ასეთ დიად საქმეში ასეთი წერილმანის გამოკიდება, როგორც ხუთი წლით მეტი თუ ნაკლები კონცესია? განა საფიქრებელია, რა იქნება ოცდაათი წლის შემდეგ, როცა დღეს წყურულით იხოცება ირმოკდა ათი ათასი მცხოვრები, როცა ჯიუტ მებოქცევე ჰქვია ჩვენი წყალით დაკმაყოფილება? და ისიც უნდა, ამ მდგომარეობაში, როცა ერთი მებოქცევე რომ გაგიჯიუტდეს, მეორე ზედაც არ შემოგხედდეს. სასაცილოა მომავალზე ზრუნვა, მაშინ როდესაც, შესაძლებელია, ნოპაელმა არც კი იკადროს თქვენი არხებით სარგებლობა და თვით იაღბუნი დგან მოიყვანოს ყინულიანი წყალი ან კიდევ არტეზის ქვები ამოაჩუხჩუხოს ყოველ ფენის გადადგმაზე. როცა ასე შორ მომავალზე ფიქრობენ ჩვენი მამები, უთუოდ ჰგონიათ, რომ კაცობრიობა ვაიყინება დღევანდელ მდგომარეობაზე და შიტომ საქირია მათი ოპეკუნობაო. დავარწმუნებთ ბ.ბ. ხმოსნებს, მომავალ თაობას ოცდაათი წლის შემდეგ ჩვენი აბეკა არ დასჭირდება და ტყუილა ურწყულს ნუ გვახრჩობენ. ვსთხოვთ, რაც შეიძლება მალე შეუკრან კონტრაქტი, ი ვილაც ღვთის კაცი გამოჩენილა. ნურც სამი ვერსის მანძილიდან წყლის გამოყვანაზე ეტყვიან უარს. ეს ხომ სულ არაფერი მანძილიდან არ გვაქვს გამოყვანილი წყალი და იქიდან ვხარჯობთ, სადაც ყოველ გვარი უსუფეთობა იყრება. ეს იმას ჰგავს ყვეს რომ თვალი არ ჰქონდა და ღმერთს წამწამს სთხოვდა, მარტალია ქალაქი შენდებო, შებრამ არც ისე სწრაფად შენდება, რომ ოცდაათი წლის განმავლობაში სამი ვერსის მანძილზე გაიწიოს ქალაქის ხაზ გარეთ კომისკენ და თუ გაიწეეს, მერმე შეიძლება იმის ფიქრი, თუ რა მანძილზე აიწიოს წყლის არხი. არც თუ წყლის სიძვირზე ითქმის რამე. ნუთუ იმაზე ძვირი კიდევ იქნება რამე, ეს ხომ ათ ვედრიან ბოქვაში 15—20 კ. ვიხდით და დაწმენდის შემდეგ მხოლოდ ნახევარიდა გვრჩება წმინდა წყალი? ჩვენ გვეუბნებიან მოკონტრაქტენი კაპეიკათ ოთხ ვედრო წყალს მოგვცემენო და აქ უნდა კი ვედრო

3—4 კაპეიკი გვიჯდება. და განამხოლოდ ეს იქნება მოგება? ეს ხო სისუფთავეს და წმინდა ქუთათურ ღამის ჰაერით სარგებლობას არაფრად აგდებთ ბატონებო? დღეს ღამის ათი საათიდან დაწყებული ამ პაპანება სიცხეში ღია ფანჯარასთან ვერ დაგვიჯდარვართ იმ სიმყარალის გამო, რომელიც მოდებულია ქუჩებში და ეზოებში. მალე, რაც შეიძლება მალე წყალი დღევანდელი აუცილებელი საჭიროების დასაკმაყოფილებლად და „ხვალემან თავისა თვისისათვის იზრუნოს“!

**წმ. გიორგის სარწმუნოებრივ-განმანათლებელ ძმობის ნამდვილ წევრებთან ჩაეწერენ და ფულიც შემოიტანეს:**

არქიმანდრიტი ნიკიფორე . . . . .	3 მ.
მღვდელმონაზონი ილიარიონი . . . . .	3 —
მორჩილი მალაქია დვალი . . . . .	3 —
— პავლე ჯაფარიძე . . . . .	3 —

**ძმობის დამხმარე წევრებთან ჩაეწერენ და ფულიც წარმოადგინეს:**

ილუმენი სოფრონი . . . . .	50 კ.
მღვდელმონ. მატეე . . . . .	50 —
— დოროთე . . . . .	50 —
— ეპიფანე . . . . .	50 —
— სილოვანე . . . . .	50 —
— დოდო . . . . .	50 —

**ძმობის სასარგებლოდ შემოვიდა შემოწირულებები:**

ილუმენი ანთიმოზისაგან . . . . .	50 კ.
მღვდელ მონაზონი ზენონისაგან . . . . .	40 —
იეროდიაკონი იოსებისაგან . . . . .	25 —
— იოსტოსაგან . . . . .	25 —

17 მ 40 კ.

**გაზ. „ვარსკვლავი“ და ფრანგული კულტურა.**

დღეს ქუთაისი არა ჩვეულებრივ ხანას განიცდის. აქ გამოვიდა ორი სოლიტერატორი და საპოლიტიკო გაზეთი „ვარსკვლავი“ და „ფონი“ (ჩვენ გაზეთს არ ვიხსენიებთ, ან რა მოსახსენებელია ხუცების გაზეთი?) „ვარსკვლავი“ უფრო მხოლოდია, „ფონზე“ ამი-



ტომ მას უფრო ვიცნობთ და შეგვიძლია მისი მიმართულება აღვნიშნოთ. გაზეთი თითონ ხატავს თავის მიმართულებას და ამბობს, ხ ლ ხის კულტურულ განვითარებას უნდა შევეწყუო ხელიო. ანუ მისივე სიტყვებით: „ჩვენ ვეცდებით, ამბობს გაზეთი, შეძლებისა და გვარად ხელი შევეწყუოთ ხალხის არსებითს საქმიანობას: ნივთიერი და კულტურული მდგომარეობის გაუნჯობესობას“, მართლა რომ კარგი სიტყვებია! თქვენი პირით ბ. „ვარსკვლავო“ სწორეთ რომ „კანფეტები“ იქმნება, მაგრამ ქორდისა და მამლის კუდისა არ იყოს, ფიცი გვწამს, მაგრამ ბოლო კი გვაკვირვებს! სად კულტურა და სად „ისოსთან“ კინკლავე და როგორი კინკლავე? როგორსაც კულტურული გაზეთი არ იკადრებს. და ასეთ უმნიშვნელო კინკლავს უკავია მთელი ორი წილი გაზეთისა! მაგრამ ამის თავი დავანებოთ. იმედია, ასეთი კინკლავე უკანასკნელია და ამით „ვარსკვლავი“ კვლავ აღარ შეგვაწყენს თავს. ხოლო საკითხი იმაში მდგომარეობს, თუ რა ფასონის კულტურის შემოტანას და ხელის შეწყობას ლამობს „ვარსკვლავი“? რა თქმა უნდა ფრანგული ფასონის კულტურას ებღაუჭება და ის უნდა ვადმონერგოს საქართველოს ნიადაგზე. ამ ნაირად მან პირველივე შეტევით უარ ჰყო არსებული წესი ქორწინებისა და ყველაფერი უბნღურება მის დაატეხა თავზე; მერე რატომ? მიტომ რომ ვიღაც გურულს ქალი გაქცევია და ნომერში უპოვნიათ. კვი საბუთია ქორწინების უარყოფისა. ნეტა იგივე ქალი არ გაექცეოდა ქმარს, ნოტარიუსის წესით რომ შეუღლებოდა? შემდეგ ამისა გაზეთი ზიზღს უტხადებს ამ ქალის ბიძას, ორმოცი წლის აღფესს, რომელსაც თურმე მისი (ქალის) მოტყუილებით გაუბატოურებდა სდომებია. ასეთი ზიზღის გამოცხადება გაუგებარია იმ ორგანოსაგან, რომელსაც ფრანგული კულტურა უნდა ვადმონერგოს საქართველოს ნიადაგზე. ეს უფრო ფრანგულ ქართული კულტურის აღრევა არის ერთმანეთში, თორემ გაზეთმა კარგად იცის, რომ ფრანგული კულტურის შეხედულებით აქ არაფერი საზიზღარი არა არის რა თავისუფალი შეუღლე-

ბის მეტი, თუნდაც ერთი წუთით. თუ ნათესაობა აქვს სახეში „ვარსკვლავს“, ფრანგული კანონით ესეც ვერაფერ დიდ საბუთს იძლევა ზიზღის გამოსაცხადებლად. თუ მხოლოდ ორმოც წლოვან ადამიანს უწუნებს საქციელს, რა დაშავა ორმოცმა წელმა და რით ამართლებს ოცწლოვანს? განა უკანასკნელს უფრო მიეტევება, ვიდრე პირველს? არა ბ. „ვარსკვლავო“ გვიანლაა ზიზღის გამოცხადება... და არც შეგნის ფრანგულ კულტურის მჭადაგებელს—ასეთი საქციელი. იყავი ბარემ „პირდაპირი, ვით შურდული“, რა საქირთა მიხვევ მოხვევა და კურდღლური ნახტომი. ან ფრანგული ქორწინება, რომელმაც არ იცის არც ნათესაობა, არც ხნობა და არც გაუბატოურება; რომელი კანონები სდევნიან მხოლოდ ძალმომრეობას და არა მოტყუებას და შეცდენას; ან ქართველური ზიზღი ყველას, ვინც სარგებლობს ქალის სისუსტით. როგორც ბატონი, ისეთი ხუმარა: „ვარსკვლავი“ ფრანგულ კულტურას სთვს, მისი ოხუნჯიც მსვე აპირებს კანტ-ლაპლასის თეორიას უმაღლეს ქეშმარიტებად რაცხს და ჩვენ გვიკაყინებს მის წინააღმდეგობას. მდაბლათ მოგახსენებთ ბ. ოხუნჯო, რომ კანტ-ლაპლასის თეორია კანტსაც და ლაპლასსაც თეორიად, შიპოტეტიურ თეორიად მიანდათ და არა ქეშმარიტებად, არა აქსიომად, რომლის მსგავსი თეორიები ათასობით დამარბულა ეამთა წყვილიდში და თქვენ საიდგან იცავთ და რა ნება გაქვთ ქეშმარიტებად მიჩნოთ იგი გულუბრყვილო მკითხველ საზოგადოებას? ან რა კულტურა გნებავთ შეიტანოთ ამით ჩვენ მშრომელ ხალხში, რომლის გამოქომაგებას „ვარსკვლავი“ ასე რიხით აპირებს, ვითომ და სხვა გაზეთები მის (ხალხის) დაბნელებას ლამობდენ. სეროზულ კითხვებზე კი არ ხუმრობენ, არამედ მსჯელობენ, ბაასობენ და თუ თქვენ მაინც და მაინც კანტ-ლაპლასის თეორიამ გაგიტაცათ, ბ. ხუმარავ, ა ბურთი და ა მოედანი: შეგვიდგინეთ ერთი პოპულიარული, ყველასათვის გასაგები წიგნაკი ამ თეორიის შესახებ და დავდარწმუნეთ, რომ დედამიწა მზის შვილია და მთვარე მისი შვილი-



შეილი, ან ხევა ნაირად, დედამიწა მზის ნა  
გლუჯია და მთვარე მიწის. — თორემ ასეთი  
სერიოზული საგანი რომ სახუმაროდ არ გა-  
ხადო, უნჯობესი არ არის, ისევ ქალებს დაუ-  
ტრიალდე. იმ ქალებს, რომლებიც ემანსიპა-  
ციაზე ფიქრობენ და ისეთ შეურაცხებას ით-  
მენენ. როგორც არის თქვენი სახუმარო გა-  
ზეთი და ქუთათური პარნოგრაფიული სურა-  
თები? ამ მხრით ჩვენმა კულტურამ სწორეთ  
რომ გადააქარბა ფრანგულს! ვაშა ჩვენს გმი-  
რობას!..

### ს ი ტ ყ ვ ა .

თქმული დეკანოზის ნესტორ ყუბანეი-  
შვილის მიერ მისგანვე აღშენებულ (მისი  
მეუღლის საფლავზე) წმ. პირველ მოწა-  
მის თეკლას ეკკლესიის კურთხევაზე, 12  
აპრილს 1909 წ.

სასკლავოა შამისთა და ძისთა და სულთა წმი-  
დასთა.

„არა თუმცა უფალმა აღა-  
შენა სახლი, ცუდად შერე-  
ბიან მაშენებელნი მისნი .  
(ფსალ. 126, 1).

მადლობას ვსწირავ ღმერთს, რომ მან ჩა-  
მაგონა აზრად—აღენიშნებია ამ სასაფლავოზე  
ეკკლესია, მომცა მნ გზედულება დამეწყო  
ეს საქმე, მომანიქა შეძლება შემესრულებია  
იგი. ვბადლობ ღმერთს, რომ მისი მადლით  
და შემწეობით აღვასრულე ეს საქმე და დღეს  
დავესწარი ამ ეკკლესიის კუ-რთხევას. ქეშმა-  
რიტად უფლმან აღაშენა ჩემი, მცორე შეძ-  
ლების მქონებელის, ხელით ეს მკირე, მაგრამ  
მკვიდრი ეკკლესია. რომ უფალი ღმერთი  
არ შემწეოდა, რომ ნება მისი არ ყოფილი-  
ყო, დარწმუნებული ვარ, რომ მე არ შემეძ-  
ლო მისი აღშენება, მით უმეტეს, რომ არა-  
ვისთვის არ მითხოვია შემწეობა, არაფერ არ  
შემიწუხებია და ამის აღსაშენებლად არავინ  
ერთ გროშსაც არ შემწევია. პირიქით, რო-  
გორც მესმოდა, ზოგიერთ პირს ხელის შემ-  
ღიძულებდა ჩემთვის ამ წმიდა საქმეში და  
ამ ბოროტ განზრახვაში დიფრმუნდი მაშინ,  
როცა ეკკლესიის მაშენებელ ოსტატებს მუ-

შაობაზე ხელი ააღებინა უბნის ზედამხედველ-  
მა, რომლისათვისაც, აღბად, სიტყვა მიეტა-  
ნათ, ვითომც მე მთავრობის ნებადაურთველად  
ვაშენებდი მას, მაგრამ როცა მთავრობის ნე-  
ბართვა ვაჩვენე მან ნება მისცა ოსტატებს  
მუშაობისა. ეს იმისთვის მოგახსენეთ, რომ  
ყოველ კეთილ საქმეს მტერი უჩნდება, მაგრამ  
რადგანაც კეთილ საქმეს ღმერთი სწყალობს,  
იფარავს და წინუძღვება, მტერი ვერ შეაფერ-  
ხებას მას, თუ საქმის მოთავე სულით არ დაე-  
ცა და ღვთის იმედი არ დაკარგა.

თვრამეტი წელიწადია, რაც ეს სასაფლავო  
დაარსდა და ამ დროს განმავლობაში აქ ბევ-  
რი მიცვალებული დასაფლავდა. მე ვფიქრობ,  
ყოველი მიცვალებულის ქირისუფალნი  
გრძნობდნენ ეკკლესიის საქიროებას და სწუხ-  
დნენ, რომ არ ჰქონდათ იგი მიცვალებულთა  
სულის მოსახსენებლად. ახლა, ღვთის მადლით,  
მოვესწარით ამის აღშენებას და კურთხევას და  
ამან ძლიერ შეგვიმსუბუქა ის მწუხარება, რა-  
მელიც შეგვემთხვა ღვთის განგებით. (აქ მე  
ვგულისხმობ მიცვალებულთა ქირისუფლებს).  
ამიტომ რომ ეკკლესია დიდად საქიროა მორ-  
წმუნე ქრისტიანთათვის და დიდი მნიშვნელო-  
ბა აქვს მას. ყოველი ქრისტიანე, რა წოდე-  
ბისაც უნდა იყოს იგი, თუ განიერულად  
სარგებლობს ეკკლესიით, ხშირად დაიარება  
ეკკლესიაში ღვთის მსახურების დროს, ყურა-  
დლებით ისმენს რასაც ეკკლესიაში კითხუ-  
ლობენ და გალობენ და ცდილობს გაიგოს  
მნიშვნელობა ყოველ მღვდელ მოქმედებისა,  
ის ამით ეცნობა და სწავლობს საღვთო სჯულს  
და აღვილად შეუძლია შეისწავლოს უმთავ-  
რესნი ქეშმარიტებანი თავის სარწმუნოებისა.  
ამას გარდა, ყოველივე, რაც ეკკლესიაში  
სრულდება, გვასწავლის ჩვენ ღვთის მტკბის  
იღსრულებას, გვინერგავს გულში ღვთის და  
კაცის სიყვარულს, გვისწირებს ზნეს და გვა-  
ტოვებინებს ცუდ ჩვეულებებს. ამასთანავე  
ეკკლესია ისაზრდობს ჩვენ სულს როგორც  
სხეულს სჭირდება საზრდოება, ისე სჭირდება  
საზრდოება სულსაც. სულიერი საზრდო არის  
სიტყვა ღვთისა, რომელსაც ყოველ ღვთის  
მსახურების დროს კითხულობენ ეკკლესიაში



და ვისმენტ ჩვენ. კიდევ სულიერი საზრდო არის წმიდა ზიარება, რომელიც წირვის დროს სრულდება ეკლესიაში და მოეცემა მოწმუნეს ცოდვების მოსატოვებლად და სულის განსაკურნებლად. როცა ჩვენ ვდგევართ ეკლესიაში, ვლოცვილობთ, ღმერთს ვესაუბრებით, ღვთის სიტყვები გვესმის, მაშინ სული ჩვენი გრძნობს სიმშვიდეს, სიამეს, სიტკბობას; მაშინ ჩვენ სულს ღვთაებრივი ნათელი ეფინება, გონება იწმიდება და ცული გულის თქმანი ითრგუნება; მაშინ ჩვენ თვითონ შევიქმნებით სულიერ ტკბად და სულიწმიდა დაემკიდრება ჩვენ შორის, როგორც პავლე მოციქული ეუბნება მოწმუნე ქრისტიანებს: „არა უწყითა, რამეთუ ტაძარი ღმრთისანი ხართ და სული ღვთისა დამკიდრებულ არს თქვენ შორის“ (1 კორინთ. 3, 16).

ამას გარდა ეკლესიას დიდი მნიშვნელობა აქვს მიცვალებულთათვის; ეკლესია აღავლენს ღვთისადმი ვედრებას, ლოცვას, მიცვალებულთა სულის მოსახსენებლად და საცხოვნებლად, სთხოვს ღმერთს მიცვალებულთა ცოდვების მიტევებას განსაკუთრებით დიდი მნიშვნელობა აქვს მიცვალებულთათვის შესრულებულ წირვას, რომელიც აუცილებლად ეკლესიაში უნდა შესრულდეს. ამას მოწმობენ წმიდანი ბაბანი: ვასილი დიდი, იოანე ოქროპირი, რომელთაც შეადგინეს წირვა, იოანე დამასკელი, კირილე იერუსალიმელი და სხვანი. მიცვალებულთათვის წირვა-ლოცვის სარგებლობაზე შესანიშნავ მაგალითს გადმოგვცემს წმ. გრიგორი ორბეტყველი. ის მოგვითხრობს შემდეგს: „ჩემ მონასტერში ცხოვრებდა სხვათა შორის ერთი ბერი, რომელიც იყო ანგარების მოყვარე. სხვა ბერების გასაფრთხილებლად, ანგარების მოყვარეს სიკვდილის შემდგომ ოცდა ათი დღის განმავლობაში არ შეუსრულეს წესი ქრისტიანულ დასაფლავებისა და წირვა-ლოცვისა. მერმე შეიწყალეს ის და ოცდა ათ დღეს უსრულებდნენ მას წირვა-ლოცვას. წირვა-ლოცვის შესრულების შემდგომ ის გამოეცხადა თავის მკვიდრ ძმას და უთხრა: „დღემდი ჩემი საქმე ცუდად იყო, დღეს კი ბედნიერი

ვარო, ამიტომ რომ დღეს მივიღე ზიარებაო“. ყველა ზემო თქმულიდან სჩანს, თუ რა დიდი მნიშვნელობა აქვს ეკლესიას და მასში შესრულებულ წირვა-ლოცვას, რომელსაც დღემდი დიდად მოკლებულნი იყვნენ ამ სასაფლაოზე დასაფლავებულნი მიცვალებულნი.

დღეს შემდგომ ყველა ქრისტიანს შეგიძლიათ ისარგებლოთ ამ ეკლესიით წირვა-ლოცვის შესასრულებლად და მიცვალებულთა სულის მოსახსენებლად. მხოლოდ საჭიროდ მიმაჩნია მოგახსენოთ, რომ ეს სასაფლაო შეუღობავი, ძლიერ მოუწყობელი და უპატრიურად დატოვებულია, რასაც, იმედია, მიაქცევთ ყურადღებას: შეაკავეთ და გაამშვენებთ მას.

ვევედროთ ღმერთს, რომ მან შეისმინოს ამ ეკლესიაში აღვლენილი ლოცვა და მიუტეოს ცოდვანი აქა მდებარეთა მიცვალებულთა და ყოველთა მართლმადიდებლობაში აღსრულებულთა. ამინ.

### ს ი ტ ყ ვ ა

თქმული მღვდ. ს. მჭედლაძის მიერ ქუთაისის საკათედრო საბინოში თ. ს. დ. გუბუნავას სულის მოსახსენებლად შესრულებულ წირვა-ლოცვაზე.

იყო დრო, ვაგლახი დრო საქართველოს აოხრებისა, აწიოკებისა, დრო აღა მახმედ ხანებისა, მურვან ყრუებისა და შახაბაზებისა, ის დრო, როდესაც სამშობლო გმინავდა მძლავრი და მძინვარე მტრის ხმალ ქვეშ. მაგრამ ყოველთვის გულ-გაუტეხელი, მუდამ სასოებაწარუკეთელი, მხნე, და გულადი ვერი არ გაითქვიფა უცხო ტომთა შორის, არ დაპყარვა თავის ელფერი, დაიცვა თავისი ქრისტიანული კულტურა და მშვიდობიანად მოაღწია მეოცე საუკუნის კარებამდე. მრავალნი დიდნი და ცნობილნი ისტორიულნი ხალხნი დაიკარგნენ ეამთა წყვდიადში, რომელთა მხოლოდ სახელებიღა დარჩა მოსახსენებლად შთამომავლობათა, ხოლო ერთმა მუქმა ქართველმა ხალხმა შეინახა თავი და გვიანდობა აწინდელ ქართველობას: გაუტეხელი და შუე-



ბლაღავი სახელი, გმირული თავგანწირულება სამშობლო მიწა-წყლის დასაცავად და უბიროფასესი განძთა განძი, ფას დაუღებელი ობოლი მარგალიტი— შეუმწიკვლელი ქრისტეს სარწმუნოება და მაღალი ქრისტიანული ზნეობა. გვიანდერძა სრული დარწმუნებული, რომ ჩვენ-აწინდელი ქართველები—უნაკლოთ გადავსცემდით მას მომავალ თაობას და ასე არ მოვიშლიდით ქართველნი ქართველობას, არ დავიკარგებოდით და არ დავკარგავდით მას, რამაც ქართველი ერი უმთავრესად იხსნა და კარგვისაგან, არ დავკარგავდით სარწმუნოებას, არ ვუღალატებდით სამშობლო ეკლესიას, არამედ ხელს შეუწყობდით მის განახლებას, აღორძინებას და განვითარებას. ჩვენთა წინაპართ, რაც შეეძლოთ, ყოველივე იღონეს ამისათვის, ყოველივე წინასწარ განზომეს და განიგულეს. ყოველივე მოაგვარეს, რომ ანდერძი შესრულებულიყო, მაგრამ ამაოდ. მოსვენება უნახავმა, ხელში ხმალ გამოუცილებელმა ქართველობამ, იპოვა რა მშვიდობიანობა, ერთ ხანას გულიანად იძინა და შემდეგ გაღვიძებისა, დაინახა რა არა ჩვეულებრივი მოჩვენებითი ბრქვევითი ევროპის იველიზაციის ზედა პირისა, მიეცა თავდავიწყებულ განცხრომას, ითაკილა ქართველობა, ქართული ენა, ქართველური ზნე ჩვეულება და რაც რამ ებადა სულიდგან ხორცამდის ზნეობრივად თუ ქონებრივად შესწირა, ძღვნად მიართვა და ფიანდაზად დაუგო დარუბანდის კარებიდგან შემოსულ ევროპიელ კულტურის აჩრდილს. განჰქრენ საზოკადრ მოღვაწენი, შესწყდა დაღადისი ღეთივ—განძრგობრილ მოძღვართა, დაკალიერდენ ქართველ ქათალიკოსთა, მთავრებისკოპოსთა და ეპისკოპოსთა მრავილნი კათედრანნი, დადუმდა ქნაოი რუსთველისა—შესწყდა მაჯის ცემა საქართველოსი. ეხლა იგი შეიქმნა მოედნად ძალმობრეობისა, დაღატისა, ძმათა მკვლელობისა. ამ ეგვლახ დროს ძლიერ მცირე რიცხვმა შეინარჩუნა ქართველური სული, ისიც ნახევრად გადაგვარებული და გადამახინჯებული ასეთ ქაობში აღზრდილი ახალგაზღობა, ვარდა მცირე რიცხვით ზეგარდამოცხებულ ადამი-

ნებისა, რომლებს გუნდს ეყუთვნოდა აწ უკვე განსვენებული სვიმონ გეგენავა, რა თქმა უნდა, ვერ გაამართლებდა მამა-პაპათა მოლოდინს, ვერ გაუწევდა ერს მამობას, ვერ შეიგნებდა ეროვნებისა და ეროვნულ ენის, სარწმუნოება-ზნეობის დიდ მნიშვნელობას, ვერ დააფასებდა ქრისტეს სჯულის სიდიადეს, რომელიც ქართველმა ერმა მთელი თუთხმეტი საუკუნე ატარა თავის მრავალ ტანჯულ მხრებზე, მისთვის რომ შთამომავლობისთვის არ მოეკლო მისი ცხოველ მყოფელი სხივი. და არ კი 1906—6 წლებმა დაგვიმტკიცეს ჩვენი ახალგაზღობის ფუქსავატობა და ყოველ მხრივ სიკოტრე? მათ ვერ ჰპოვეს თვის შორის იმოდენი მოქალაქობრივი გაბედულება, რომ გამოსარჩლებოდენ თავის ენასა, სარწმუნოებასა და ეროვნებას და ამიტომ უარ ჰყვეს ერთიცა, მეორეცა და მესამეცა. უარ ჰყვეს არათუ მხოლოდ ეროვნული, არამედ შთამომავლობითი ნათესაობაც, დედაშვილობა, დან-ძმობა; უარ ჰყვეს ეკლესია, ღმერთი, დაჰკმეს ტაძრები, გაგვიღანდღეს ხატები. ეხლა განვითარების და მსწავლელობის ნიშანი ის არის, რომ ნათესაობა და ეროვნება უარ ჰყო, ღმერთი არ იწამო, ეკლესიაში არ შეიხედო, სასულიერო პირი გეზიზღებოდეს. და ამ მცნებებს მტკიცეთ იცავს ჩვენი ახალ-თაობა. და გასაკვირვალი ის არის, რომ ამას ჩაუღის მხოლოდ ქართველობა. იშუიათი შემთხვევა იქნება ჩვენი განათლებული და მოწინავე თაობა ან სტუდენტობა ეკლესიაში ნახო, და თუ შეხედები ისე გაშტერებით მღვთმს, რომ მაშინვე შეატყობ, ეს კაცი ჯერ ეკლესიაში არ ყოფილა და ყველაფერი უკვირსო. შეიძლება ვინმე პატივცემულ გადაცვალბულის პატივსაცემად იკადროს შემოსულა ეკლესიაში, მაგრამ უნდა ნახოთ, როგორ დაცინვით უკან ხელეზ მოწყობილი სდგას იგი და თავის მტკინერების სიმძლიდგან უყურებს გულუბრყვილო საზოგადოებას, რომელიც ფიქრობს უკდავებაზე და ვევედრება ღმერთის მიცვალბულის სულის საოხად. ასეთ დროს მოესწორო ღრმად მოიწმუნე, გულით და სულით ქართველი, ქრისტეს სხარების მორჩილი და რუსთველის



ქნარის მოტრუიალე აწ უკვე განსვენებული  
 თ. სვიმონ დავითის ძე გუგუნავა. რომლის პა-  
 ტივსაცემად დღეს შეგროვილა ასე რიცხვით  
 მცირე საზოგადოება. განსვენებულს არა მცი-  
 რედი ღვაწლი მიუძღვის საქართველოს ლი-  
 ტერატურისა და საზოგადოებისადმი და მისი  
 გამოკლება მცირე რიცხვიან ქართველ მო-  
 ღვაწეთაგან საგრძნობელ დასავლისად უნდა  
 ჩაითვალოს. განსვენებული ჯერ კიდევ მოხუ-  
 ცებული არ ყოფილა, მაგრამ ვერ გაუძლო იმ  
 ზნეობრივ სწეულებას, რომელიც გამოიწვია  
 მასში დღევანდელმა ჩვენმა უკუღმართმა მი-  
 მართულებამ. ის, ვინც ღმერთი აღიარა უმა-  
 ლღეს ქეშმარიტებად და სთქვა:

„უწინარეს მას ვადიდებ, ვინაც შექმნა  
 ზღვა და ხმელი,  
 ვინც მარადის არსებობით უკვდავია და  
 უბრუნელი,  
 ვინც ჯოჯოხეთს განმაშორა, შემწყვარა, მცხო  
 ნათელი,  
 მისგან ვითხოვ განმერინოს ეშმაური განსაც-  
 დელი“—

რა თქმა უნდა, ვერ შეურიგდებოდა ებ-  
 ლანდელ ქართველების გამხრწნელ სარწმუ-  
 ნოების და ქრისტიანულ ზნეობის უარყო-  
 ფასს. საუკუნომც იყოს შენი ხსენება შონაო  
 ღვთისაო სვიმონ. ღმერთი, რომელსაც შენ  
 აღიარებდი უმაღლეს ქეშმარიტებად და რომ-  
 ლის მოცემული ტალანტი არ დამარხე, დაგი-  
 მკვიდრებს შენ სასუფეველს და შენ საყვარელ  
 ქართველ ერს კვლავ განუღვიძებს სარწმუ-  
 ნოებას და ჩაუღვამს შამა-პაპურ უმანკო  
 სულს. ამინ.

**კონსტანტინე პეტრეს ძე პობედონოსცევი  
 და სპირიტუზმი\*).**

რუსეთში უკვე კარგად ცნობილმა ინ-  
 გლისის გამოჩენილმა ფურნალისტმა სტედმა  
 ამ კოტა ხანებში გამოაქვეყნა ორი დიდი  
 ტომი თავის თხზულებისა, რომელშიდაც მო-  
 თავსებულია „ქ-ნი ო. ა. კირეევ-ნოვიკოვას  
 მოღვაწეობა პოლიტიკურ ასპრეზხედ“ (დე-

\*) ესარგებლობ უნდა „ახალი სიტყვისგან“  
 წიგნი მეექვსე (რენისი) ს. პეტერბურდი.

პუტატა რუსეთიდგან) — ქ-ნ ნ-ვიკოვას რუ-  
 სეთში ძალიან კოტათი იცნობენ და მისი  
 მოღვაწეობაც, თუმცა დიდ მნიშვნელ ივან  
 რა მეს არ წარმოადგენს, მაგრამ ნოვიკოვას  
 ბედმა არგუნა ვიწრო კავშირი ქონებოდა და  
 დაახლოვებით გასცნობოდა ბევრ მის დრო-  
 ის რუსეთის არისტოკრატია-სწოვანთ, (ნო-  
 აიკოვა დაიბ. და 1840 წელს.) რომელთა ცხოვ-  
 რებიდგან ბევრი საინტერესო ეზოდებია მო-  
 ყვანილი. სტენს მართლა რომ აუბრებელი  
 მასალა შეეკრებია აღნიშნული პირის ცხოვ-  
 რებიდგან და აი ერთა, ჩემი შეხედულებით  
 არა უნტერესო აღგალი. შეკრებილი მასა-  
 ლისგან, მსურს გავაცნო მკითხველ საზოგა-  
 დოებას. აქ უადგილო არ იქნება აღნიშნო,  
 რომ ქ-ნ ნოვიკოვას ცხოვრება-მოღვაწეობა-  
 ზედ დიდი გავლენა იქონია კონსტანტინე პე-  
 ტრეს ძე პობედონოსცევის გაცნობამ და და-  
 ახლოვებამ, რაც მოხდა იმ დროს, როცა კო-  
 სტანტი ე პეტრეს ძე გამოუოკვეველ იდგოა-  
 როებაში იყო ერთი გასაოცარი მოღვწისგან  
 მოხდენილ შთაბეჭდილების ქვეშ. სტენი აქ  
 თავის კოპენტარიებს არ უკეთებს, სიტყვითი  
 სიტყვამდე მოჰყავს კ. პ. პობედონოსცევის  
 ნააძობი და აი სწორედ საინტერესო ეპიზო-  
 დი მეც მოყმავს სიტყვითი სიტყვამდე:

რამოდენიმე წლის წინეთ, საზაფხულოდ,  
 პეტერბურგის მახლობლად მე ვიქირავე მართ-  
 ლა სადიდკაცო სახლი. პირველველ ღამეს, გად-  
 მოკვდით-თუ არა, არც მე და არც ჩემ კოლს  
 დასაძინებლად თვალი არ დაგვიხუჭავს. დავუ-  
 კით თუ არა, საიდგანლაც შემოგვესამა კრუ-  
 ბრახუნი. ავდექა, დავუძახე ჩემ კაცს და მთე-  
 ლი სახლი შემოვიარეთ, რადგან ბრახუნი ისე  
 ყრუთ ისმოდა, რომ გარედგან მეგონა. ათავინ  
 არ იყო. ყველაფერი მიწყარდა. დავწეკი, თუ  
 არა ხელმეორედ დაიწყო ბრახუნი ისევე ყრუ,  
 მაგრამ უფრო ჩქარი და გარკვეული. ძილზე  
 ფიქრი მეტი იყო.

მეოთხე ღამეს განმეორდა იგივე. ჩვენ ვა-  
 დავსწევტეთ, რომ ეს საფათარაკო სახლი  
 დოვტოვებია, მაგრამ ერთმა ჩვენმა ნაცნობ-  
 მა გვირჩია, მოგვეპატიე სენსისთვის ვინმე  
 მედიუმში. მე სრულიად არ მწამდა სპირიტუ-



მი, მაგრამ რადგან არ შემეძლო ახსნა ბრახუნის მიზეზისა, დავთანხმდი მედიუმის მოპატივებაზედ სენისის გასაკეთებლად. მედიუმი მოვიდა ჩადგა რა პასიურ მდგომარეობაში გვიამბო შემდეგი: „აბრაახუნებს ერთი ძღვედლის სული, რომელიც მომკვდარა წირვის შესრულების დროს. კითხვაზე: თუ რანაირად შეიძლება ამ წვალებული სულის დაშვიდება, მედიუმმა, რომელსაც ჩვენ განსაკუთრებით თვალყურს ვადევნებდით, გვიპასუხა, რომ ამისთვის საჭიროა შეარე ძღვედლის მოყვანა და შეწყვეტილი წირვის დათავება“. შემდეგ ამისა მოხდა შართლა დაუჯერებელი რამ: მედიუმმა გამოაცხადა „ამ სახლში არის ეიკლესია (რომლის არსებობა არც ერთმა ჩვენგანმა და მგონი გამჭირავებელმაც არ იცოდა), კარები ამოშენებულია აგურით და მას შემდეგ, რაც ძღვედელი მოკვდა, ყოველივე ხელშეუხებლად დარჩა და არის ისე როგორც იყო იმ ძღვედლისათვის საბედისწერო ღღესო“.

— მოპითმინეთ, — გაფაწყვეტინე მე, — რანაირად შეიძლება ეს სიმართლე იყოს, როცა ამ ეკლესიის შესახებ არავინ არაფერი იცის...

— ჩადით კარიდორში, — მიპასუხა მედიუმმა, — გაჰყევით მარჯვნივ და რომ გაივლით დასახლებულ შანძილს შემდეგ შეამჩნევთ აღმოშენებულ ეკლესიის კარს.

ყოველივე ეს ჩემთვის დაუჯერებელ რამეს წაოჲადგენდა, მაგრამ მედიუმის ისე გარკვეულად და დაბეჯითებით იფორებდა ყოველივეს, რომ მე გადავწყვეტე კარის მოძებნა და, გასაოცრად ჩვენდა, ყოველივე ვნახეთ ისე, როგორც ამბობდა მედიუმი. სოფიპატივით ძღვედელი და მას აქეთ ბრახუნის შეწყდა.

„მე არ შემძლია ყოველივე ამას მოუძებნო დამაკმაყოფილებელი ნამდვილი ახსნა და ამიტომ გადმოგეცი ყოველივე მხოლოდ ისე, როგორც იყო“, დაასრულა კოსტანტინე პეტრეს ძემ თავისი ამბავი.

მღვდ. ვ. ღუმბაძე.

ი რ ო დ ი ა დ ა.

გ უ ს ტ ა ვ ფ ლ ო ბ ე რ ი ს ა

თარგმანი ფრანგულიდან.

(გაგრძელება \*).

III.

დარბაზი, სადაც ლხინი უნდა გამართულიყო, სტუმრებით გაიჭედა. იგი ბაზილიკის მსგავსი იყო და სამ ნაწილათ იყოფებოდა. მათ შორის ამართული იყო სამი ალგუმინის ხის სვეტი, რომელიც ბრინჯაოს კაპიტელეებითა და ქანდაკებით იყო მოკაზმული. ამ სვეტებზე დაყრდნობილი იყო ორი იატაკ ხარბულიანი გალერეა, მესამე კი ოქროს ფილიგრანით დარბაზის ბოლოს, შემოსავალთაღის პირდაპირ, მრგვალდებოდა.

ანთებული კანდელები, რომელთა გარშემო, სუფრის გასწვრივ, ჩაყოლებული იყო თიხის ჯამები, სპილენძის თევშები, ნაყინვი თოვლი და ყურძნის მტევნები, ცეცხლ მოკიდებულ ჩირგვებს წაგავდნ.

სანთლის ყვითელი წერტილები, ჭერის სიმაღლით ძლეულნი, ილულეობდნ, ერთდებოდნ და სივრცეში იკარგებოდნ. ტრიბუნებიდან ანახლეტი სხივები ხის ტოტებში ვარსკვლავთა კრებულებით ბრწყინავდნ.

ანტიპა ლხინს იხდიდა, რომელზედაც მოეწვია მეგობრები, ხალხი, ყველა ვინც კი მის მასპინძლობას არ იუკადრისებდა.

მონები, ხონჩებით ხელში, თითის ტრავით ტრიალებდნ. ოქროს ტრიბუნზე, რომელიც მესამე ძურულზე ამართულიყო, განგებ მისთვის მოწყობილ ამალეებულზე იდგა პროკონსულის ტაბლა. ბაბილონის ქეჩანოხები, რომლებითაც ჩამოხურული იყო კედლები და ჭერი, პავილიონის მსგავს რამეს წარმოადგენდნ. სპილოს ძვლის სამი საჯდომი, ერთი საპატიო ალაგას, ხოლო ორი იქით აქეთ, ამშვენებდნ ტაბლას. მარცხნივ, კარის ახლოს, იჯდა პროკონსული, მარჯვნივ ავლი, შუაში ტეტრარქი.

მას ეხურა შავი მძიმე წამოსასხამი, ფერადი ნაკვეთებით მოქარგული; ფერ უმარტილო

\* იხ. „შინ. საქმ.“ № 21.



ჰფარავდა მის ლაწვებს, წვერი მარაოსავით დაჰფენოდა, ხოლო ალისფერად დაპუდრულ თმას იმაგრებდა ძვირფას ქვებით მორთული გვირგვინი. ვიტელის ისევ ის სისხლის ფერი საბეჭური შერჩენოდა, რომელიც ირიბულაით დაეკრა მისი შალის წამოსასხამს. ავღს ზურგზე ებნია სახელოები ცისფერი აბრეშუმის შესამოსლისა, რომელიც ვერცხლის გაღონებით კანჯარით იყო აქრელებული; დახუჭუქებული თმა სამ რიგათ იხვეოდა და მის ქალურათ თეთრსა და მსუქან მკერდს აბრწყინებდა ლალის საყელური. მის ახლო მოფრთხილი იჯდა საუცხოო სილამაზის ბავში, რომელიც განუწყვეტილად იღიმებოდა. ავღმა სამზარეულოში ნახა იგი და მას აქეთ ველარ იცილებდა. რადგან ყმაწვილის ქალღეური სახელი ვერ დაემახსოვრებია მას, ამიტომ მხოლოდ Aziateus-ს უწოდებდა მას. რომელიც დრო და დრო ზურგზე წამოწვებოდა ხოლმე და მისი შიშველი ფეხები მთელ დარბაზში მოსჩანდა.

იმავე მხარეს იჯდნენ მღვდლები და ჯარის უფროსნი, იერუსალიმის მცხოვრებნი, ბერძენთა ქალაქების წარჩინებულნი; პროკონსულის მხრით, ძირს ჩამწკრივებულიყვენ: მარცხელი მეზვერეებითურთ, ტეტრარქის მეგობარნი, წარჩინებულნი კანას ქალაქიდან, პტოლემეიდიდან, იერიქონიდან; მათ ქვევით კი—უფრო მდარენი; მთიელნი ლიბანიდან, ჰეროდე დიდის ძველი მეომარნი, თორმეტი თრაკიელნი, იდუმეველი მწყემსნი, პალმირის სულთანნი, ეზიუგავერიელი ზღვაოსანი. თვითელი სტუმრის წინ ხელსაწმენდათ თხელი ცომის ნაწყვეტი იდო, მონადიმენი გულდასმით შეეჭკეოდნენ ზეთიხილს, ნუშსა და სხვა ხმელ ხილს. ყვავილებით მორთული სახენი მხიარულებით ბრწყინავდნენ.

ფარისეელებმა უარი განაცხადეს ასეთ გვირგვინებზე, რადგან იგინი რომაელთა ბიწიერებას წარმოადგენდნენ. იგინი კანკალმა აიტანა, როცა სტუმრები გაღბანისა და გუნდრუქის სითხით ასხურეს; ესეთი რამ მხოლოდ ლეთის მსახურების დროს იხმარებოდა.

ავღმა იღლიებიც კი დაიხილა ამ ნელსა-

ცხელით და ანტიპამ მთელი ხოლმანიდ აღუთქვა მას ასეთი სურნელებით დატვირთული, აგრეთვე სამი კალათი ნამღვილ ის საცხებელი, რომლის წყალობითაც კლეოპატრას პალესტინის დაპყრობის სურვილი აღეძრა. ტეტრარქის ზურგს უკან მოთავსებულიყო ტიბერიადის გარნიზონის ერთი უფროსთავანი, რომელიც მაქერუსს ნოსულიყო და ეტყობოდა, არა ჩვეულებრივ ამბებს ჰყვებოდა. მაგრამ ანტიპას გონება პროკონსულისა და მის ახლო მჯდომთა მუსაიფს წაედო. იქ იოაკანამსა და მის მსგავსებზე ლაპაჩაკობდნენ. რას არ ამბობდნენ:

სიმეონ გიტოელი, მაგალითად, ცეცხლით განბანს ცოდვილთა, ვინმე იესო...

— ეგ ყველაზე უარესია—შენიშნა ელიაზარმა—საზიზლარი ცბიერი! ტეტრარქის უკან წამოდგა ვინმე, მკრთალი, გაფითრებული, ვით საკუთარი ქლამიდის არშია. იგი ნელა ჩამოვიდა ამბიონიდან და, მიუბრუნდა რა ფარისეელებს, მტკიცეთ წამოიძახა:

— სტყუით თქვენ, იესო სასწაულებს ჰქმნის...

ანტიპამ მოისურვა ნახვა იესოსი.

— რისთვის არ მოგვგვარე იგი? მაშ, მოჰყევ, რა იცი მის შესახებ!

მაშინ უცნობი მოჰყვა, რომ მას, იაკობს, ქალიშვილი ჰყავდა ავათ და ამიტომ იგი გაემგზავრა კაპერნაუმს, რომ მოძღვრისთვის ეთხოვა განკურნება მისი. მოძღვარმა რქვა მას: მიიქეც შინით, ასული შენი განკურნებულ არს—და იაკობმა მართლაც განკურნებული ნახა ქალიშვილი, რომელიც კარებში მოეგება მას... ავათმყოფმა სწორეთ იმ დროს მიატოვა ცხედარი, რა დროსაც მოძღვარმა აღუთქვა მას განკურნება.

ხოლო ფარისეელები წინააღმდეგს ამტკიცებდნენ: რასაკვირველია—ამბობდნენ იგინი—არის ისეთი ძალა, ერთნაირი ბალახი, რომელთაც ჯადოსნური გავლენა აქვთ; თვით მაქერუსშიაც იპოვებოდა ასეთი ბალახი, რომლის მოქმედებაც უზადოს ჰყოფს ადამიანს. მაგრამ განკურნა ავათმყოფი უნახავათ, მიუკარებლით... სასაცილოა! ერთი რამ კი შე-



სადლოა: იესო უხმობს ავსულთ. ანტიპას მე-  
გობრებმა თავის ქნევით გაიმეორეს:

— ჰო, ავსულთ... ეს უეჭველია!

იაკობი კი იღვა მათსა და ფარისეველთა  
შუა-წყნარი, შეუდრეკელი.

— გვიამბე რაღა—არ ეშვებოდენ მას—  
დაგვიმტკიცე მისი ძლიერება!

იგი მხრებ აწევით ოდნავ დაიხარა და  
წყნარი, აკანკალებული ხმით წარმოსთქვა:

— ნუ თუ არ იცი, რომ იგი... მესიაა?

მწიგნობრებმა ერთი ერთმანეთს გადახე-  
დეს; ვიტელიმ მოისურვა ამ სიტყვების ასხნა:  
თარჯიმანი, სანამ უპასუხებდა, წამს შეეყო-  
მანდა.

— მესიას ებრაელნი უწოდებენ მას—  
სთქვა მან—რომელიც იხსნის მათ მონობისა-  
გან და, ამ ქვეყნიურ კეთილ დღეობასთან  
ერთად, დაემორჩილებს მათ ყოველთა ტომთა.  
ზოგნი ორ მესიაააც კი მოელოან. ერთი და-  
მარცხებულ იქნების ჩრდილოეთის ბოროტ  
სულთაგან, გოგისა და მაგოგისაგან, ხოლო  
მეორე დასძლევს შთავარსა ცოდვისასა; და აი,  
რამოდენიმე საუკუნეა, რაც იგინი მის მო-  
სვლას ელოდებიან.

მღვდლები რაღაცას თავისთვის ჩურჩუ-  
ლობდენ. მერმე ელიაზარმა ითხოვა სიტყვა.

— ჯერ ერთი რომ—დაიწყო მან—მესია  
ძე დავითისა უნდა იყოს და არა უბრალო ხუ-  
როსი. მერმე ისა, რომ იგი დაიმარხავს სჯულსა,  
ეს ნახარვევლი კი—არღვევს მას.

მისი უმთავრესი მტკიცება კი ის იყო,  
რომ მესიას წინ უნდა უძღოდეს წინასწარმე-  
ტყველი ილია.

— კი მაგრამ, ილია ხომ უკვე გამოც-  
ხადდა!—წამოიძახა იაკობმა.

— ილია, ილია!—მთელ დარბაზში გაი-  
მეორა ბრბომ.

მათ გონებას ნათლათ წარმოუდგა შემ-  
დეგი სურათი: მოხუცი, ყოვანთა გუნდში  
განვეული, ზეციდან მოვლენილი ცეცხლი,  
რობელიც სწავებს და აწიავებს კერპთაყვანის-  
მტყველთა სახსხვერპლისა და მათ მსახურ ქუ-  
რუძებს... მანდალოსანთ მოაგონდით სარებტის  
ქვრივი.

იაკობი კი თავისას არ იშლიდა და და-  
უნებით ამტკიცებდა, რომ მან უკვე იხილა  
იგი. იხილა აგრეთვე მთელმა ქვეყანამ!

— სახელი, სახელი მისი!

მაშვინ მან დაიყვია რაც ძალი და ღონე  
ჰქონდა.

— იოაკანამი!..

ანტიპა, თითქოს მის მკერდს ძლიერი რამ  
ეტაკაო, უეცრივ გადაბრუნდა.

სადუქვევლნი მისცივდენ იაკობს. ვაი  
უშველებელსა და დრიანტელში მხოლოთ  
ელიაზარი ჰყვიროდა და ცდილობდა ბრბოს  
ყურადღება მიექცია

როცა სიჩუმე ჩამოვარდა, იგი გაეხვია  
თავის ტოვაში და, ვით მსაჯულმა, დაიწყო  
გამოკითხვა:

— ილია წინასწარმეტყველი ხომ უკვე  
მოკვდა?

ბრბოს ყვედრებამ გააწყვეტინა მას ლა-  
პარაკი. ბევრი დაჯერებული იყო, რომ ილია  
არ მომკვდარა, მხოლოთ მიიშალა ზაღდაც.  
ელიაზარი გაფიცდა... მაგრამ მერმე ისევ გა-  
ნაგრძო:

— მაშ, შენ გგონია, რომ იგი აღსდგა?

— დიდაც!—მიუგო იაკობმა.

სადუქვევლებმა მხოვები შეიშმუშნეს თვა-  
ლებ-დაპრაჭული, იონაფანი კი სულელივით  
ილიმბოდა.—განა სასაცილო არაა, უძღოური  
საეული, უბრალო მტვერი საუკუნო ცხოვრე-  
ბაზე ფიქრობდესო? ამასთანავე, პროკონსუ-  
ლის გასაგონათ, მან წარმოსთქვა თანამედრო-  
ვე პოეტის სიტყვები: „Nec crescit nec post  
mortem durare videtur“ \*)

ამ დროს ავლი, მთლათ გაყვითლებული  
დაგაოფლიანებული. უტბათ მიიძინდა და ტრი-  
კლიონიომს გადააწვა. იგი საცოდავთ იღმი-  
ქებოდა და ბუცელოზე ხელს იკერდა.

სადუქვევლებმა ვითომ მუხუხარების სახე  
მიიღეს. (მათ მეორე დღესვე მიიღეს მსხვერ-  
პლის შეწირვის უფლება). ანტიპამ კინაღამ  
სასო არ დაკარგა. მხოლოთ ვიტელი იჯდა  
უგრობნობლათ, თუმცა იგი კარგათ გომსობდა

\*) არც ზრდა, არ ყოფნა სიცვლილის შემდეგ  
არ ძალუძს.



სულის შინაგან მღელვარებას. სახუმრო ხომ არ იყო — შვილთან ერთად მას ეღუპებოდა მთელი თვისი მოძავალი!

(შემდეგი იქნება).

**იმერეთის სავაჭრო სამოსწავლო საბჭო.**

„თვით არ იყო ძმარო, გაერია წყალი“-ო, სწორეთ ჩვენი იმერეთის სავაჭრო საძრველო სკოლების დღევანდელ მდგობარეობაზეა გამოკრილი. უიმისოდაც წყალ-წადებული იყო მისი ბედ იღბალი, ხანდელი გულშემატკივარი მეთაური სახელით საშობარი პყავდა და ენლა მთლათ ხელი მოუთავდა. ჩვეულებრივ ზაბტ, უგულო და უსაქმო სავაჭრო საბჭოს ოფიციალური ხასიათიც კი დაეკოგა და ევარქის მეთვალყურისა და წევრების უძრავლესობის წყალობით პიოდ ინტერესების სათარეშო ასბარეზათ გაოდაიცვა. ეოთი ხდოდა, ერთი უძრავო კოება არ ჩაივლის ისე, რომ პიოდაა ინტერესეისა არ მთანტქან საზოგადო საკითხეი და ამნაირად მთლათ ბოლო ედება საბოლოო სკოლეს. საკმაოა მხოლოდ ერთი შეიხედოთ საბჭო ძი, რომ დაოწმუხდეთ, რომ იქ რაიმე სერიოზული საქმის გაკეთება ყოვლად შეუძლებელია. ყველას ოადაც საქმისადმი აბატია ებატება ზედ და მხოლოდ გაფაციცებით ადევნებეს ყუუს, აბა რა წათოსცდეს საკბილო რომელიმე მხარესო (საბჭო ხომ ორ ბანაკათაა გაყოფილი, ერთი მხრით „წითელ-სარჩულოსანი“ და მისი მომხრენი — უაიროვხო წევრები, ხოლო მეორე მხრით დანაოჩეხეი). აბაღლების სკოლის საქმე, მაღლაკისა და სხვა ამისთახეები, რომელნიც ჩვეულებრივ საკითხს წარმოადგენენ, ხოლო საბჭომ დრეიფუსის საქმისმნიშვნელობა მისცა, ნათლად მოწმობენ მაზე, რომ საზოგადო საქმის კიმის დაკავების უნარი არც ერთ ეხლანდელ წევრს არ

აქვს, მათ შორის ევარქის მეთვალყურესაც.

საბჭოს (აქ იგულისხმეთ ევარქის მეთვალყურეც) რომ არავითარი საზოგადო საქმის გაძლოლის უხარი არა აქვს ამას ნათლად მოწმობს ეხლანდელი სკოლების მდგობარეობა. აიღეთ რაჭა, ლეჩხუმი, სვანეთი. რას ვხედავთ აქ? ქვემო იმერეთსა და შორაპანში არსებობენ მეორე კლასიანი, ორკლასიანი და ქალთა სასწავლებლები; მე არ ვლბაპრაკობ ეოთკლასიან სკოლებზე, რომელთა რიცხვის შედარებაც შეუძლებელია, ზემო აღნიშნულ მხარეეიძი არ მოიპოება არც ერთი მეორე კლასიანი, ორკლასიანი, გინა საქალგებო სასწავლებელი; მაშინ როდესაც, თუ სადმე სწავლა განათლება საჭიროა, უწინაოეს ყოვლისა ამ მივარდნილ კუთხეებში. მაგრამ არა თუ სკოლეს არ გვიხსნის ბ. „გენერალი“, ნახვასაც არ კადრულობს და, როგორც „მინაურ საქმეებშიც“ იყო აღნიშნული, მემწვანილეებში კოებავს ცხოებებს სკოლესის მდგობარეობაზე. საჭიროა ეხლანდელი საბჭოს შედგენილობა, განახლდეს ანა და საგრძნობი საყვედური მოხვდეს მას და მათ შორის ყველაზე საგრძნობი „წითელ-სარჩულოსანი“, რომელმაც, სადაც კი გაიქაქანა ყველგან წყალი ამბღვოია.

მიროყელი.

**კვირიდან კვირითამდე.**

→ ყოვლად სამღვდლო ეპისკოპოსი გიორგი უკვე ჩამობრძახდა ქუთაისში და შეუდგა განსაკუთრებით იმერეთის ევარქის მართვა გამგეობას. თვალსაჩინოდ აკლდა უფასკობოსობა ნაჩვევ ქალაქს და საკათედრო ტაძარს.

→ ღვთისმშობლობას ყოვლად სამღვდლო გიორგიმ გელათის მონასტერში სწიოა. წირვის წინ მისმა მეუღლემ პანაშვილი გალი-



ხალხი განსვენებულ ეპისკოპოს გაბრიელის საფლავზე და კიდევ უწირა. დღესასწაულს ხალხი ჩვეულებრივზე ნაკლები დაესწრო. მაღალი საზოგადოებიდან არაერთი სჩანდა, უცუველია სარწმუნოებასთან თავმოყვარეობაც დაჰკარგა, რომ აღარ იზიდავს მათ დიდებული დროის დიდებული ნაშთი. ხალხი სულ მდაბიო იყო. „კურთხეულ არს ღმერთი, რომელმან დაჰფარა ესე ბრძენთაგან და გამოუცხადა სულოელთა“. საზოგადოება დიდი ნასიამოვნები დარჩა ყოველად სამღვდელთა გაბრიელის მოსახსენებელ წირვითა და ჰანაშვიდით, ხოლო საკმაო გულმხურვალება ვერ გამოიჩინა.

ამბობენ იმერეთის ეპარქიის სამღვდლოების მეთვალყურე ბ. თ. ჟორდანიასა და საბჭოს შორის განხეთქილება ჩამოვარდნილა. ან კისად არ ჩამოვარდნილა განხეთქილება, სადაც ბ. ჟორდანიას ფეხი შეუდგამს. ამბობენ უფრო მეტს, ვითომ ბ. ჟორდანიას ბრალს სდებს ეხლანდელ საბჭოს საქმის მწარმოებელს არდანიზე გაქეფეს, მით მოგიყიდეს და კრუ მოხსენება შეგადგენის საბჭოსთვისო. ჩვენ კარგით ვიცნობთ ბ. საქმის მწარმოებელს, რომელსაც თავის დღეში ფეხი არ გაუშვებია საცეკვრად, არც პირა გაუღია სამღერ საქეფოდ. გვიკვირს, ეხლა რათ მოუვიდა ბ. ჟორდანიას გასახარელი საქმე. დაწმუნებული ვართ ეს ბრალდება მტკნარი სიცრუეა, რომელსაც ბ. საქმის მწარმოებელი დაამტკიცებს მკაცრი გამოძიების მოთხოვნით.

მოწამეთა მონასტრის წინამძღვრად არხიმანდრიტ პიროსის ნაცვლად, რომელიც სინოდის კანტორის წევრად გადაიყვანეს, ყოველად სამღვდელთა გიორგიმ წარადგინა ქუთაისის საკათედრო ტაძრის მესამე მღვდელი დეკანოზი ნ. ყუბანეიშვილი. ყველას დიდ დესიამოვნება ასეთი დანიშნულება ბ. ყუბანეიშვილისა, რომელიც თავის შიშართულობით და ენერგიით სწორეთ საქირო კანდიდატია არა მარტო მოწამეთის მონასტრისათვის, ვისურვებთ მრავალი მამა დეკანოზის მსგავსი მღვდელნი გამოსულიყვნენ ჩვენ დაკლებულ მონასტრებში ს. მუშაკოდ, საიდგანად ისევ

ძველებურად უნდა მოეფინოს სარწმუნოება ჩვენ ნახევრად გადარჩეულს სამშობლოს.

უტყუარი წყაროებიდან შევიტყუეთ, რომ განრისხული ეპისკოპოზი კირიონი და არქიმანდრიტი ამბროსი შეუბრალო შეუწყალებიათ. პირველისთვის დაუნიშრავთ პენსია (რაოდენობა ვერ გავიგეთ), ხოლო მეორესთვის ნება დაურთავთ წირვა-ლოცვის და მღვდელ მოქმედების შესრულებასა. ჯერ გამორკვეული არ არის დაბრუნებენ ზემო აღნიშნულ სამღვდელთა პირებს სამშობლოში, თუ ისევ რუსეთში დასტოვებენ.

საქართველოს ექსარხოზად, როგორც სარწმუნოდ ამბობენ, დანიშნულია ტამბოვის ეპისკოპოზი ინოკენტი. ოფიციალური ბრძანება ამის შესახებ გამოქვეყნებულ იქნება ექვნიისთვის 1<sup>ი</sup> შემდეგ ტამბოვის ეპისკოპოზად ახახლებენ ბაქოს ეპისკოპოზს გრიგოლს რომელიც ეხლა დროებით მმართველია საქსარხოზოსი.

ენკენისთვის პირველს დიდი დღესასწაულობით აკურთხეს სასულიერო სემინარიის ახალი შენობა „ვაკეზე“. კურთხევაზე მოწვეულები იყვნენ მიტროპოლიტი და ყველანი, ვინც კი აქ რექტორებად ან ინსპექტორებად ყოფილან. არაერთი მოწვეულთაგანი არ მოვიდა. ზოგიერთმა კი მოსალოცი ტელეგრამები გამოგზავნეს.

სემინარია მდიდრული შენობაა და ყველაფრით კარგა მოწყობილი; საკუთარი წყალი, საელექტრონო სადგური, ორატორის გათბობა, ელექტრონის განათება ყველგან — ფეხისადგილებშიც კი, პარკეტის იატაკი კლასებში, სადგომი სახლები ბასწავლებელთათვის. ნეტავი როგორღა იკადრებენ მიწურ სახლში ან ფახაში შესვლას ამ შენობაში გაზრდილი შეგირდები?

**სასუფიველი ღვთისა\*).**

„მოვედინ სუფევა შინი“

თქვენ გესმათ რა არის ნათქვამი: თვალი თვალის წილ, კბილი კბილის წილ ესე იგი თუ მოყვსიდან შურს იძიებ, გადაჭარბებულათ ნუ იძიებ; ნუ იძიებ დამექსავით წყალუღისათვის სიკვდილით, შეტრაცხოფისათვის საზოცდათშვადჯერ (დაბ. 4 თ. 24 მ.). არამედ იძიეთ წლული სათვის წყალუღით, კირისათვის კირით, იგი კი

\*). იხ. „შან. საქმ.“ № 21.



გეტყვი თქვენ: ბოროტისთვის ბოროტებით ნუ მიაგებ, თუ ვინმემ მარჯვენა ყბაზე შემოგკრას სამაგიეროს ნუ მიაგებ, უშუოთოთ, საბრძოლოთ გამოწვეულათ, უსაყვედუროთ მიეცი შენი თავი მის ნებაზე.

ბოროტისთვის შურის ძიება უმატებს ბოროტებას, ცეცხლში ნავთს ასხამს, შურის აღს უბერავს. სიმშვიდე და არა შურიანობა იარაღს დააყრევინებს მტერს, დააცხრობს გულის წყრომას. შეარცხვენს მოუხეშავ ძალ მომრეობას.

თქვენ გაგიგონიათ, გიყვარდეს მოყვასი შენი და გძულდეს მტერი. მე კი გეტყვი თქვენ: გიყვარდესთ ყველა ადამიანები და გძულდეთ მხოლოდ იმათი ავი საქმეები. სდევნეთ შურიანობა, მოსპეთ ორპირობა, დაამხვრიეთ, როგორც ჯოჯოხეთისაგან წარმოშობილი, ძალმომრეობა და ფარისევლობა და შეიბრალეთ ისინი ვინც ყველა ამას ემსახურება. მდევნელნი უფრო უბედურნი არიან, ვინც დევნულნი: იმისთვის სასუფეველი ღვთისა უკვე მიუწოდომელი გამხდარა, გაღვარდიანდა იმათი გული, გონება გაუსასტიკდათ და არ იციან რას შერებიან. ილოცეთ იმათთვის და კეთილი უყავთ იმთ, ვისაც თქვენ სძულხართ.

გახსოვდეთ, რომ ცხოვრებაში, როგორც საერთო საუნჯეში, უკვლოდ არ იკარგება ადამიანის არც ერთი საქმე, არც ერთი სიტყვა. არც ერთი აზრი და არც ერთი გულის მოძრაობა. ყველაფერი სტოვებს თავის კვალს, ყველაფერს ან კარგათ ან ავით გაღვინა აქვს ცხოვრების ხასიათზე. ამიტომ ნუ უღალატებთ ზნეობრივ კანონს. როგორც დიდში ისე კოტაშიაც, ყოველგან და ყოველსათვის „პირველათ ეძიებდეთ სასუფეველსა ღვთისასა და სიმართლესა მისსა“. ასეთია მოკლეთ რომ ვთქვათ, ქრისტეს კანონმდებლობითი საქმე. ის თუ არ შევა ადამიანის სულსა და ხორცსში, არ გამოცვლის მის სულიერ ბუნებას არ გახდება მისი ცხოვრების სულიერი ძალათ და ეს ძალა არ ამოხეიქავს წყაროსაგან, იმისთვის ღვთის სასუფეველი არ დაეყარდება. ღვთის სასუფეველისთვის უფრო

დიდ მოპოებას შეადგენს ერთი მონაწილი მეზვერე, ერთი მეძავი ქალი, რომელიც ცრემლებით ბანს ქრისტეს ფეხებს, ვინც ოთხმოცდაცხრამეტი დიდებულათ დამშვიდებულნი, ამაყნი მართალნი, რომელთაც გონიათ, რომ მათ მიადწიეს კეთილ მწვერვალს. იმათში ცხოვრების ჩქეფა შეჩერებულია; ისინი მოკვდენ და კიდევაც გაიხრწნენ, მეზვერესა და კოდვილ ქალში კი დიდხანს შეკავებული ბიწიერ ვნებათა და ლტოლვილებათა გროვის დაზავებით, სამარადისო ცხოვრების წყარო ქრისტეს ხელის შეხებით თავისუფლათ გამოდინდა, გადაიქცა დიდ ნიღვრათ, წალეკა დიდ ხნობით მოკროვებული სულიერი სიბინძურე და თავის ბრძოლის ჩანჩქარში გამოხატა სახარების ცხოვრების მთელი სინარჩარე, სიმშვენიერე და თანდათან, რაც ქვევით მიექანება, უფრო ღრმად და მკიდროთ უდებს სათავეს წინანდელი ავაზაკის და მეძავის გულში.

სახარება ძლიერ ძუნწია სიტყვებზე ისეთ წვრილმანების შესახებ, რაც არ ეხება პირდაპირ ქრისტეს საქმეს, მაგრამ მოკლე მოთხრობა მეზვერის მოქცევასა და მეძავი ქალის მიტვევებაზე საკმაოა, რომ ნათლათ წარმოვიდგინოთ იმათში მომხთარი სულიერი გარდაქმნის ქტი. მოვიგონოთ იგავი მეზვერესა და ფარისევლებზე. ტაძარში შევიდენ ორი კაცი ლოცვად: ერთი იყო ფარისეველი და მეორე კი მეზვერე. ფარისეველი პატივცემული მუღმივი მოსიარულე ტაძარში. იმისთვის აქ ყველფერი ნაცნობია და იმასაც ყველანი იცნობენ. მიდის ის ზევით თავ აწეული დიდებულათ, დინჯი ნაბიჯით, მის წინაშე ჩამომდვარ მლოცველთა შორის და დება მდღებულ ადგილის, პირველ ალაგზე. იმის ქველობის კეთილნი საქმენი, როგორც თითონ, ყველას წინ უდგიათ. ის ტაძარშიც, ლოცვაშიაც მარხულობასა და კეთილ საქმეთა ქმნაშიაც ყოველთვის და ყოველგან წინაა. ამას ის კარგათ გრძნობს და ღრმა კმაყოფილებით ამბობს: „ღმერთო გმადლობ შენ, რამეთუ მე არა ვარ, როგორც სხვები, როგორც ის, აი, მეზვერე, კარბქეში მდგომი“.

აქ მიზანი მიღწეულია, სუსტი ზნეობრივ-



სარწმუნოებრივი იდეალი განხორციელებულია, ამბზე ზევით წასვლა არ შეიძლება. დარჩენია, გაყინულ უმოძრაობაში თავისთავს ამაყათ ეალერსოს. ის ვინც სთქვა თავის თავზე: „მე დარცხოვრება“, ფარისეველში თავის ცხოვრებას ვერ იპოვის. ფარისეველი ღვთის სასუფეველისთვის არ შობილა. სხვა საქმეა მეზვერე. ის უტყველოთ ბიწიერი კაცია. იმის ცხოვრება აღსავსეა მძიმე დანაშაულობით. ის ყველას უზიზღება და თითონაც დიდათ არ აფასებს თავის თავს. რაღაც შემთხვევისა, თუ ჩაგონების გამო ის სხვებთან ერთად შევიდა დღეს ტაძარში. დიდი ხანია არ ყოფილა აქ. თვალი მიაგლმოავლო ტაძრის გუმბათებსა და კედლებს. შორს წასვლა ვერ გაბედა და იქვე შესავალით გაჩერდა. ამ დიდი ხნის უნახავი წმინდა კედლების სანახაობით იმას მოუგროვდა მრავალთ ძველი მოგონებანი. გაახსენდა იმას, თუ როგორ ბავშობისას დადიოდა აქ დღესასწაულზე, აქ პირველად ასწავლა დედამ ლოცვისთვის ხელის გაკეთება, მაშინ იმას უყვარდა ხალხის გროვასთან შეერთება ისრაელელების ლოცვის აღვლენაში და ღვთისადმი ლობიერ თსალმუნთა გალობაში. როგორ მკაფიოდ გაისმოდა იმის ბავშური ხმა, რამდენი სულის სიწმინდე, აღტყინებული სიყვარული ღვთისადმი იხატებოდა თვითველ იმის ხმაში. როგორი გულის ფანცქალით ისმენდა ის წინასწარმეტყველების ცეცხლებრივ სიტყვებს, როგორ იღია, ისაია და იერემიასთან ერთად სწერებოდა უღვთოთა ბიწიერებაზე, და როგორ უნდოდა იმათსავით ემსახურე მიტლოვესთვის! რა დაემართა ყველა ამას? მწყობრივად მიღის მის ხსოვნაში წლები წლებთან და, რაც უფრო შორს მიღის დრო, იმდენათ უფრო ზნეღდება მის გულში. დაიფიქრდა იმას დედის სიტყვებიც, ტაძარიც და ლოცვაც, დაივიწყა სინდისიც და ბავშური ოცნებანიც. თითქოს ფოთლები ქართან დღეში არეკილი, მის ხსოვნაში ისე აირია ძველი ხსოვნა, მძიმე ლოდვიით დააწვა მას და დაუღუნვია თავი. შეინძრა დაყალბებული გული,

„მოგონდა მას ძაღვები

შერცხვენაილად დაღუპული,

შეებრმოა სიყრმე თვისი  
უნაყოფოდ მსწრაფელ წასული“

თვალეზე მოადგა და გადმოცვინდა ცხარე (არემლები და შეუპოვარ ნიაღვარივით, კოკისპირულ წვიმის მსგავსად გამოაცოცხლა მეზვერის ტანჯული სული. გადნა იმაში ადამიანისადმი შური და მტრობა. განიბანა ცრემლებით სულიერი ტალახი, განათლდა, გარდიბადა იმის ბიწიერი გული. შემოვიდა ტაძარში მეზვერე დიდ ცოდვილად, გამოვიდა კი იქიდგან ღვთის სასუფეველის შვილად. „ამინ, ამინ გეტყვი შენ—ასწავლის სახარება, თუ არ მოიქცევით და არ შეინანებთ, როგორც მეზვერე, ვერ შეხვალთ ღვთის სასუფეველში“.

მაშასადამე, დედამიწაზე ღვთის სასუფეველის დამყარება, ადამიანის ცხოვრების გაუმჯობესობა შეიძლება მხოლოდ ადამიანის სულიერ გარდაბადებით. ცალკე პიროვნებათა ქრისტეს სულით გაუმსქვეავლელოდ არ შეიძლება საზოგადოების განახლება და არც რაიმე პროგრესი არის საფიქრებელი. სასუფეველი ღვთისა, —ამბობს დამფუძნებელი,—მსგავს არს კომისა, რომელი მოილო დედაკაცმა და შეურია იგი ფქვილსა სემსა საწყაულსა ვიდრემდე აღაფუენა იგი ყოვლად“. (მათ. 13 თ. 33 მ.) და ოდეს მოიწიოს სასუფეველი ღმრთისა? არა მოვიდეს სასუფეველი ღმრთისა ზმნით; არცა სთქვან: ამა აქა, ანუ იქი; და ამა ეგერა სასუფეველი ღმრთისა შორის თქვენსა არს“ (ლუკ. 17 თ. 20—21 მ.). ანაირად ღვთის სასუფეველის ისტორია, არის ადამიანის სულის ისტორია. ის იბადება ჩვენი გულის სიღრმეში და თავდაპირველად ჩვენშივე უნდა ვანმტკიცდეს. ღვთის სასუფეველის დამყარების საქმეში გარეგან პირობებს მკორე ხარისხოვანი მნიშვნელობა აქვს. იმის აღმოცენება და ზრდის წარმატება დამოკიდებულია პირველათ ყოვლისა ადამიანის შინაგან თვისებათაგან.

როგორც სულიერი საშვალეა, საქირია რამოდენიმე ზნეობრივი მომზადება. ავერვის ხელეწიფების მოსვლიად ჩემდა, ამბობს ქრისტე, უკეთაუ არა მიმამან, მომავლინებელმა ჩემმან, მოიყვანოს იგი ჩემდა, (იოან. 6 თ. 44 მ.) თვით თუ იმას არა აქვს მიანიც გაურკვეველი



ლტოლვილება მამისადმი. ამით აიხსნება ის გარემოება, რომ თუმცა ზოგიერთებს ქონდა ქვეშაირტების მიღებისათვის გარეგანი მოხერხებული პირობები, მაგრამ მაინც არ იწამეს ის, პირიქით ზოგნი თუმცა უფრო ცუდ და უხერხულ პირობებში იმყოფებოდნენ და არც რაიმე თვალსაჩინო საბაბი აქვთ მისთვის, მაგრამ მთლად ეძლევიან იმით გატაცებას. იგავი მთავარსა და თესლზე ძლიერ კარგი დასურათება არის ამისთვის. (მათ. 13 თ. 3—8). მთაველი ფართოთ ხელის გაქნევით ყრის თესლს შინდორზე, თესლი ერთნაირი იყო, მაგრამ ნაყოფი სხვადასხვა მოიღო. გზატკეცილზე დაფარდნილი თესლი მიწაში ვერ ჩავიდა და ჩქარა ფეხით გასრისეს; ქვიან ადგილზე გახმა; ეკალში დაქცა, მხოლოდ მეოთხე თესლმა, რომელიც კარგ ნიადაგზე დაფარდა, მოიტანა უხვი ნაყოფი. წარმატების მიზეზი თესლში კი არა, ნიადაგშია. ასე არის ღვთის სასუფეველისა და თესლისათვისაც, ერთხელ დათესილი სამყაროში არ ვაჰქრება; ჩვენ შეიძლება იმის ზრდას ვერც კი ვამჩნევთ, ჩვენ, წუთის შონებს საქმე, რომელიც საუკუნოებით სრულდება, გვეგონება შეჩერებული, მაგრამ ის იზრდება. ესრედ არის სასუფეველი ღმრთისა, ვითარცა იგი კაცმან დასთესოს თესლი ქვეყანასა და დაიძინოს, და აღსდგეს ღამე და დღე თესლი იგი აღმოცნდის და განდორძინდებიან, ვითარ იგი მათ არ უწყინ. რამეთუ თვისით თავით ქვეყანა ნაყოფსა გამოიღებს. პირველად თესლი, მერმე თავი, მაშინდა სავსე იქელი თავსა მასა შინა“. (მარკ. 4 თ. 26—28 მ.). თესლი აღსავსეა სიცოცხლის წვენით, ის იპყრობს თავისთავში დიდ ძალას, პატარა მარცვალში არის ხის ცხოვრების ჩარბი, თუ თესლმა იპოვა შესაფერი ნიადაგი, მაშინ მის მეოხებით შენდება მთელი ჩრდილოანი წალკოტი. ასე ხდება ღვთის სასუფეველის სიტყვებზედაც, სასუფეველი ღვთისა, ვითარცა მდოგვისა მარცვალი, რომელიც დაეთვისს ქვეყანასა, რამეთუ უმოკრეს არის იგი ყოველთა თესლთა, რომელნი არიან ქვეყანასა ზედა. და ოდეს დაეთვისვის და აღმოსდის და იქნას იგი უფროს ყოველთა მხალ-

თა და გამოიხსნის რტონი დიდ-დიდნი, ვითარმედ შესაძლებელ არიანცა საგრილსა მისსა მფრინველთა ცისათა დადგრომად (მარკ. თავ. 4 თ. 30 მ.) რამდენიმე ათეულ წლის წინეთ ეგვიპტის ერთ პირამიდაში იპოვნეს ფარაონის მუმია. იმ შენობაში, სადაც განისვენებდა ნეშტი ნიკოსის ოდესმე ძლიერი ბატონისა; აღმოჩნდა ძველი ეგვიპტის ავეჯეულობის ბევრი ნივთები და სხვათა შორის ქურქელი ხორბლის მარცვლით. იქვე ნაპოვნ პაპირუსის გრაგნილში იყო აღნიშნული, რომ ეს ხორბალი იყო პირამიდაში სამიათას წელზე მეტი. როდესაც ის დათესეს მოიტანა მშვენიერი მოსავალი. ღვთის სასუფეველის თესლი, ქვეშაირტების თესლი, გამხნეველი სიტყვა კეთილისადმი მოწოდებისა ინახავს თავისში არა ნაკლებს, არამედ მეტს სიცოცხლის ნიშან-წყალს. გულით მიღებული ის, ადრე თუ გვიან მოიტანს მდიდად ნაყოფს. მთელი კითხვა იმაშია, შეუძლია გულს მიიღოს ეს მარცვალი თუ არა? ადამიანის შინაგანი ქვეყანა, იმის ლტოლვილება, წარმოადგენს მოხერხებულ ნიადაგს ქრისტეს თესლის გაზრდისათვის? თუ არა, მაშინ ეს ნიადაგი უნდა შეექნათ, გამვლელთა ფეხებით გატკეცილი გზა სახნისით და ფარცხით უნდა ავთხაროთ და გავარბილოთ; ქვიან ადგილებზე მსუქანი მიწა უნდა დავაყაროთ, ეკლისა და ცუდი ბალახებიდამ უნდა გავწმინდოთ მიგდებული და დაუშუშავებული ადგილი. ყველას, ვისაც ცნობიერათ სურს ღვთის სასუფეველის დამყარება, მოვალეობას შეადგენს განუწყვეტლად სიტყვით და საქმით უჩიჩინოს იმათ, ვინც გულგრილათ უყურებს იმის დამყარებას, მსგავსად იოანე ქრისტეს წინამორბედისა „განმზადენით გზანი უფლისანი, დაწრფელ ჰყვენით აღიგნი მისნი“. (ლუკ. 3 4 მ.) მართალია არიან ღვთის სასუფეველისათვის მოუბრუნებლად დაკარგულნი, იმათთვის მიუწლომელია ნათელი იდეალისა და მალა აღტყინებათა ქვეყანა. იმათი სული მთლად შებოქლია დაბალ მიდრეკილებათა სიწამბდრით და მოუხეშობით. თვით იესო ქრისტე ამბობს იმათზე: „ნუ მისცემთ სიწმინდეთა ძალთა, ნურცა დაუფენთ მარგარიტსა თქვენსა



წინაშე ღორთა“ (მათ. 7 თ. 6 მ.). რაკი დარწმუნდით, რომ ადამიანი ყრუა ყოველივე მოწოდებისადმი და არაფერი ზნეობრივი გავლენა იმაზე არ მოქმედობს, ნუ კარგავთ იმაზე ამაოდ თქვენს ენტუზიაზმ, თქვენი სულის სიციხოვლე მიაპყრით მეორე უფრო მაღლიერ მიზანს. მაგრამ ასეთი ზნეობრივი მახინჯებს ძლიერ ცოტაა, ისინი არ შეადგენენ ჩვეულებრივ მოვლენას კაცობრიობაში, არამედ წარმოადგენენ სამწუხარო გამონაკლისს, როგორც გამონაკლისს შეადგენენ მკვლობლები ღ სულელები, ჩვეულებრივად კი ადამიანები ყოველთვის ადამიანებია და ყოველივე ადამიანური იმათთვის უცხო არ არის. ხანდახან ვხედავთ იმათში დაბალ ბუნების სიწამხდრეს, და მოუხეშაობას, სამაგიეროდ დროთი დროზე გამოიჩენენ ხოლმე არა ჩვეულებრივ სულის სიდიადეს. ტყვილათ კი არ უწოდებდა პასკალი ადამიანს სამყაროს სიამაყეს და სისაძაღლეს. ხდება ხოლმე რომ უკიდურეს ბოროტ-მოქმედთა და ზნედაცემულთა ცხოვრება წუთობით გამობრწყინდება ისეთი ზნეობრივი სიმშენიერით, რომ არ შეიძლება იმის წინაშე თავი არ მოიხარო და სერიოზულად არ დაფიქრდეს იმაზე. როგორც ვულკანების აპონახეთქები გვიმხილვებენ სამყაროს შინაგან სიღუმლოებას, სწორეთ ისე კეთილშობილი ალტყინების შემთხვევით და გამორიცხვით აღზნება გვეუბნება ადამიანის სულის ქვეყანაში სიყვარულის და სიკეთის ძალის იღუმალ არსებობას. საჭიროა მხოლოდ ვიცოდეთ და გვსურდეს იმათი ნიკოცხლისადმი გამოწვევა და სიერის მიცემა. ჩვენ ვიცით, რომ „ნაგავის ქექის დროს მამალმა მარგალიტი იპოვა“. ადამიანის გულში კი უფრო ძვირფას სანახავს ვიპოვნით ხოლმე.

სახარებას ცხადათ აქვს განმარტებულის, თუ როგორ უნდა იმოქმედო ადამიანზე ღეთის სასუფეველისადმი მოსაქცევად: „ხოლო უკეთუ შეგცოდოს შენ ძამან შენმან, მივედ და ამხილე მას, რაჟამს შენ და იგი იყვენთ ხოლო მარტონი, უკეთუ არა ისმინოს, მოიყვანე შენთან ერთი და ორი სხვა, რათა პირითა

ორისა და სამის მოწმისათა დაემტკიცოს ყოველი სიტყვა. ხოლო უკეთუ მათიცა არა ისმინოს უთხარ კრებულსა, უკეთუ კრებულისაცა არა ისმინოს იყავნ იგი შენდა, ვითარცა მეზვერე და წარმართი“. (მათ. 18 თ. 15 — 17 მ.).

(შემდეგი იქნება).  
ე. ჩ—ძე.

რედაქტორი, მღვდელი **სიმონ მავლიძე**.  
გამომცემელი **იოსებ ლეჟავა**.

**განცხადებანი.**  
**ვაგჟაღუ სამღვდელო და საღიაკვნო საგნუში,**  
აგრეთვე სძმსწავლებლო ეკსამენის სსაღებად.  
ადრესი: ქუთაისი, კახკოვის ქუჩა, № 17.

ქ. ქუთაისში კახკოვის ქუჩაზე სსს № 17  
გაიხსნა პირველი ქალთა ოთხკლასიანი  
**პროგიმნაზია**  
სახელოსნო განყოფილებით.  
სადაც სანროგომნაზიო საგნებს გარდა ასწავლიან ჭრბაკურვას, ხალებს, ფარდაგებს, ჩუღქებს, ტილოების და მიტკლების ქსოვას, ბაშმაკების კურვას და სს. წლიური გადასახადი პროგიმნაზიაში 30 მან., სახელოსნო განყოფილებაში 40 მ.  
პროგიმნაზიულ კლასებში მოსწავლე ქალები კურსის დამთავრებასთანვე ათავებენ სახელოსნო განყოფილებაში.  
სასწავლებელმა უკვე დაიწყო მოწაყუბის მიღება როგორც პროგიმნაზიულ კლასებში, ისე სახელოსნო განყოფილებაშიდაც.